

故實志下



南皮縣志卷十四

故實志下

祥異

漢

成帝鴻嘉四年河溢

東漢

桓帝永康元年大水溺死者衆

靈帝熹平二年饑

獻帝建安十六年四月丁巳饒安西白雉見事聞賜復田租給

百姓牛酒大脯三日

二十二年大疫

南皮縣志

卷十四

故實志下

祥異

一

東晉

明帝太寧元年三月庚戌饒安等縣災

北魏

明元帝泰常二年渤海大水

孝明帝熙平二年九月瀛州大風雨自辛酉至乙丑冀瀛滄三

州大水冬饑

東魏

孝靜帝元象元年宣冀瀛滄四州大水

北齊

文宣帝天保元年饑

唐

太宗貞觀十八年白龍見於境內

高宗顯慶五年河北二十二州大旱

玄宗開元十五年春河北牛大疫

德宗貞元元年河北大饑斗米千錢

順宗永貞元年旱

文宗開成二年蝗

後周

恭帝時大水千里絕人煙

宋

太祖建隆三年河北大旱苗皆枯

太宗淳化元年旱蝗害禾稼

神宗熙寧元年自秋至冬河北地震

二年地震有聲如雷

七年河北旱蝗民多餓殍

徽宗崇寧三四年連歲大蝗山東河北野無青草

金

宣宗貞祐二年饑斗米價十餘金

元

世祖中統三年八月河間路隕霜害稼

至元元年大水

成宗大德六年河間屬縣蝗

七年河間路大水

八年蝗

仁宗延祐三年御河決壞田廬甚衆

文宗天歷二年三月滄州南皮寧津鹽山桑葉爲蠶食盡蠶不成

三年三月蟲食草木蠶不繭

明

惠帝建文元年七月癸酉燕王起兵風雲陡暗咫尺不辨少焉東方露青天尺許有光燭地

世宗嘉靖三年正月畿輔地震六月旱蝗

五年河間各屬饑

二十一年大饑

南皮縣志

卷十四

故實志下

祥異

三

二十七年夏五月雨雹

三十二年春夏旱河決傷禾稼大饑

四十五年夏五月雨雹

神宗萬歷二年產瑞麥同莖異歧時知縣龐沱洩政憲副寧津

王良貴爲序美之

十年大疫

十八年夏大風晝晦拔樹發屋

二十七年蟲災大饑

三十五年河決知縣左之禎以下流壅塞親往疏之

三十六年蝗

三十八年河復決

三十九年五月雨雹大者如拳傷人畜甚衆麥禾盡壞

四十三年大饑

四十四年旱至七月乃雨

四十五年有秋

熹宗天啟三年地震

五年蝗

六年六月丙子南自濟南北至天津衛同時地震撼屋摧垣

懷宗崇禎元年畿輔大旱赤地千里七月雨雹

十三年畿南大饑草根樹皮食盡

十四年大饑人相食斗米千錢白晝劫奪

南皮縣志

卷十四

故實志下

祥異

四

十六年春二月城內產異豕一首兩身

清

世祖順治七年三月己未日光赤色如血

九年黑風拔樹秋七月河決

十年夏龍起於儒學前文昌閣

十一年災荒特發帑金遣大臣賑濟全活甚衆秋七月河

復決

十五年立春日地震

十六年春三月雨雪深尺許

十八年夏六月龍起於文廟西少頃五色雲現

聖祖康熙二年河決

四年春地震亢旱七月淫雨經旬壞官廨民廬幾盡河復決

六年夏六月大雨傷稼廬舍多毀

七年春正月西南有白氣夏六月地震七月河決

十一年河決知縣馬士瓊竭力堵築水遂安流民免陷溺

十二年春旱知縣馬士瓊虔誠步禱甘霖遂降四野霑足

十八年七月地大震

世宗雍正十一年秋大水

高宗乾隆口年鐵腳鎮黃河溢

鐵腳鎮疑即砥橋鎮在河北岸舊志名為古黃河今與鬲津合先是童謠有云塔倒黃河開是年滄州鮑官屯東古塔與舊縣鎮塔一時並倒果有是災

九年旱

南皮縣志

卷十四

故實志下

祥異

五

三十八年冬暴風拔木飛沙走石行人傾仆

三十九年大旱

四十年歲大熟

四十七年二月大風泊鎮義渡人李某風捲入空後覺少

低恍見樹影急抱持之墜地暈絕越日始蘇起視則連鎮

村外塋中樹也頃刻已行六十餘里

五十六年十月初八日大雷電狂風雨雹城北拔大樹一

株震死村婦一人城西三里莊民人負販至泊鎮擊斃三

驢事載秋  
坏新語

五十七年大旱

五十八年大旱民食草根樹皮死者甚多

仁宗嘉慶六年雨水害稼廬舍多毀

十六年秋彗星見光犯紫微垣

二十四年水雹十二月十九日烈風雪花如錢自未時至於次日辰時雪深數尺人畜多凍死

二十五年正月十六日雪消水深數尺河決害麥無禾賑濟七月天鼓鳴

宣宗道光元年日月合璧五星聯珠五月大水平地生魚秋大疫

二年大水

三年大水秋旱

九年水旱十月地震

南皮縣志

卷十四

故實志下

祥異

六

十年水

十二年夏大旱

十三年旱七月二十一日酉時地震

十五年水

十六年大水

十七年旱水雹十二月大雨釋冰

十八年八月十七日隕霜害稼

十九年海溢成災

二十年六月大雨經旬壞屋甚多平地行舟秋七月白虹

亘天長數丈

二十二年白虹亘天秋八月初十日大雷電雨雹如碗人

畜多死禾稼無存

文宗咸豐二年六月大風雨拔木飛雪晝寒

三年風雹

四年七月河決連窩鎮

五年歉收

八年三月二十六日雹大如瓜害稼秋彗星見光長丈餘

犯文昌

十一年夏黃疸盛行患者甚多彗星見光犯紫微垣長經天

穆宗同治元年日月合璧五星聯珠二月二十六日黑風晝暝

六月大疫流行傷人無算七月十四日流星如雨自東北

南皮縣志

卷十四

故實志下

祥異

七

向西南

二年七月星隕色紅如火大如盂落處聞天鼓聲

三年四月初二日有星大如斗自東南向西北火光耀目

隱隱如雷聲櫪馬皆驚

四年春太白經天

五年九月二十五日未時有光若流星起自東南沒於西

北

六年大饑

七年四月河決泊鎮田禾廬舍漂沒甚多

九年七月黏蟲害稼秋禾無存

十年六月二十二日淫雨七晝夜不息平地水深數尺廬



舍禾稼俱壞

十一二年水

德宗光緒二年大旱河決尹家圈

三年大饑民多餓死候補知縣寶山奉委賑濟全活甚多  
八年蝗子生十月二十二日申時地震

九年大水

十一年七月德州老虎倉白草窪決口直灌宣惠河鬲津  
河沙河沙河無岸水汜溢村民搶險築岸南境幸無大害  
十二年四月蝗子傷麥

十三年潞灌鎮麥秀雙歧閏四月十四日雹大如盂屋瓦  
多損

南皮縣志

卷十四

故實志下

祥異

八

十四年正月二十五日夜雷鳴五月初四日地震連日小  
震六月初十日雷擊西門樓七月黏蟲害稼

十五年四月二十四日日色如血六月雨澇十月初一日  
大霧四日

十六年八月二十八日大雨雹

十七年五月初五日雨雹大如卵平地尺餘屋瓦皆碎田  
禾盡摧

十八年七月大雨之夕大孫莊孫杏山家突有物自後窗  
入又一物尾追之室人昏倒屋中水深尺餘竟入竈由突  
出竈突皆倒

二十年二月初一日白虹貫日三月初二日雨雪麥苗凍

死數日後麥根復生亦有秋

二十四年秋後上橋尹孝廉仲權啓其父壙食罐內有魚  
二尾極活躍

二十六年黑龍村劉清浩之門前樹巔黑鳥產白鳥

二十七年六月大雨成災

二十八年六月大疫傷人甚多

三十年八月十七日隕霜二十七日大凍晚禾皆潰爛棉  
實亦萎十二月十一日運河水陡漲二尺

三十一年正月初一日晨日中有黑子旋大霧萬樹皆白  
三十四年正月初二日數日並行十二日日戴冠抱珥三  
月二十五日冰凍寸餘

南皮縣志

卷十四

故實志下

祥異

九

宣統元年十一月初八日晚間紅光亘天天鼓鳴

二年三月大寒麥苗果樹多死後麥苗復甦

三年七月初七日大風雨禾偃木拔是月宣惠河決城東  
近處盡爲澤國八月彗星見於寅長丈餘十餘日始沒十

二月初七日晨刻三環套日

中華民國元年二月二日大風霾是年水生異蛙鳴如檀板

二年四月二十二日下午黑風從西起天爲之暗

三年六月太白晝現黑龍村劉清浩宅內產靈芝一株

六年秋大水高津宣惠兩河氾濫

七年九月大疫

八年秋大熟東區有蝗十二月十二日大風霾

九年四月東區蝻子繁生縣署令各村村正副督率撲打未幾大風作蝻子不見是年大旱田禾盡枯民多饑九月二十二三兩日大風

十年秋大熟八月南區飛蝗過境不爲災大樹金莊張雲合家雌雞化雄

十一年二月二十一日大風晝暗五月十一日東區烈風雨雹麥禾盡毀

十二年六月五日暴雷七月小吳家莊宣惠河決口被東光擊斃一人

十三年一月十四日有星大如球由東北向西南聲大如雷流光如晝是年前印子頭畜貓皆死鼠盛行未幾被匪

南皮縣志 卷十四 故實志下 祥異 十

禍甚慘七月劉碩榮莊姜姓家雌雞化雄

十五年一月初十日有流星大如斗由東向西五月二十一日有流星大如卵羣小流星隨之向西南七月二日大雨

十六年六月西方有二星一南一北相距丈餘忽二星漸近一觸卽回原處往返約半點餘接觸十餘次八月十九日東區大雨雹成災是年齊屯子榮姓種有甜瓜剖之瓢內含有人形五官手足俱備長約三寸但臀部有尾狀

十七年四月二十二日東區雨雹七月一日有流星大如球由東南向西北雷聲隨之是月飛蝗蔽天

十八年四月蝻子生大風作蝻子不見六月八日飛蝗自

北來不爲災十二月天氣忽暖降雨河冰釋逾十餘日凍復結

十九年四月大雨雹傷麥及果蔬六月大雨經旬房屋多毀九月八日有流星大如盤聲如雷

二十年五月張家營盤余姓家生一豕單脊雙臀二尾八肢四目四耳是月麥大熟城西李延續田內麥生三穗四穗者甚多六月二十四日二區雨雹是月飛蝗起縣令撲打用錢收買未幾蛹子生又收買共費洋五千餘元幸不爲災八月十一日地震十三日大雨時張家三撥羅雲五家水甕內忽生游魚數十尾

二十一年七月時疫流行秋大熟

志餘

志餘一門範圍較寬亦必以有關風化為主至於名臣軼事可藉規威鳳祥麟詞客遺文或兼采零金碎玉舉凡羣書所紀載故老所傳聞皆有取焉要之無非補正志之不足也他若語不莊雅事涉荒唐則未敢濫登懼褻耳

上古黃帝師封鉅起海水盤迴處遂名渤海

見舊志

漢書鮑宣字子都舉上計道遇一書生得心痛疾子都下車爲

按摩奄忽遂卒不知姓名有馬一匹素書一卷銀一餅一作當子

都賣一餅以資殯殮餘以枕之素書埋之騶馬相隨至京師到一關內侯家侯家怪之曰君何以致此馬子都說此侯驚駭曰此吾兒也卽迎喪開視銀如其言乃薦子都辟公府至司隸子

南皮縣志

卷十四

故實志下

志餘

十一

都好乘驄子永孫昱俱爲司隸皆復乘驄故京師歌之曰鮑氏

驄三世司隸再入公馬雖疲行步工

天津府志雜記

魏武帝旣破袁紹於冀州紹死逐其子譚於南皮築臺以候望其軍而名曰袁侯臺魏文帝與吳質從容遊集於南皮亦築臺以居名燕友至今南皮有二臺故址在焉人有得其遺瓦形製哆大擊之鏗然有聲取其斷缺者規以爲研其堅與鐵石競屢敗斫工之具僅能窰之而特潤緻發墨可用知昔人創物製器雖甚微者皆取不苟非若後世之簡陋也

春渚紀聞

晉書鮑靚字太元東海人年五歲語父母曰本是曲陽李家兒九歲墜井死其父母尋訪得李氏推問皆驗靚學兼內外明天文河洛書稍遷南陽中都尉爲南海太守嘗行部入海遇風饑

甚取白石煮食之以自濟王機時爲廣州刺史入廳見二人著烏衣與機相捍良久擒之得二物似烏鵲觀曰此物不祥機焚之遂飛上天機尋誅死觀嘗見仙人陰君授道訣百餘歲卒

天津

府志  
仙釋

綠珠者舊姓梁白州博白縣人也州則南昌郡古粵地秦象郡漢合浦縣地唐武德初削平蕭銑於此置南州尋改爲白州取白江爲名州境有博白山博白江盤龍洞房山雙角山大荒山山上有池池中有婢妾魚綠珠生雙角山下美而豔粵俗以珠爲上寶生女爲珠娘生兒爲珠兒綠珠之字由此而稱晉石崇爲交趾採訪使以真珠三斛致之綠珠能吹笛又善舞明君

明君

昭君也避晉文帝諱政昭爲明明君者漢妃也漢元帝時匈奴單于入朝詔王

南皮縣志 卷十四 故實志下 志餘 十三

嬙配之卽昭君也及將去入辭光彩射人天子悔焉重難改更漢人憐其遠嫁爲作此歌崇以此曲教之趙王倫亂賊類孫秀使人求綠珠崇方登涼觀臨清水婦人侍側使者以告崇出侍婢數百人以示之皆蘊蘭麝而披羅縠曰任所擇使者曰君侯服御麗矣然受命指索綠珠不知孰是崇勃然曰他無所愛綠珠不可得也秀因是譖倫族之收兵忽至崇謂綠珠曰我今爲爾獲罪綠珠泣曰願效死於君前崇因止之於是墮樓而死崇棄東市後人名其樓曰綠珠樓噫石崇之敗雖自綠珠始亦其來有漸矣崇嘗刺荊州劫奪遠使沉殺客商以致巨富又遣王愷鳩鳥加以每邀賓客宴集令美人行酒客飲不盡者使黃門斬美人王丞相與大將軍常訪其家丞相素不能飲輒自勉強

至於沉醉至大將軍故不飲以觀其氣色已斬三人君子曰禍福無門爲人所召崇心不義舉動殺人烏得無報耶非綠珠無以速石崇之報非石崇無以顯綠珠之名綠珠之墮樓侍兒之有貞節者也蓋一婢子不知書而能感主恩憤不顧身其志烈懷懷誠足使後人仰慕歌詠至有享厚祿盜高位亡仁義之行懷反覆之情暮四朝三惟利是務節操反不如一婦也豈不媿哉今爲此傳非徒述美麗窒禍源且欲懲戒辜恩負義之類也季倫死後十日趙王倫敗左衛將軍趙泉斬孫秀於中書軍士趙駿剖秀心食之倫囚金墉城賜金屑酒倫慙以巾覆面曰孫秀誤我也飲金屑酒而卒皆夷家族南陽生日此乃假天之報怨不然何以梟夷之立見乎

刪節晉唐小說六十種綠珠傳

南皮縣志

卷十四

故實志下

志餘

十四

武后時南皮縣丞郭務靜喚民婦託以縫補而奸之夫至縛務靜鞭之主簿李懋往救務靜羞諱其事答云忍痛不得阿瘡瘡務靜不被打阿瘡瘡

朝野僉載

銀紅姑蘇人豫藩何公夫人之小侍兒也年十三秀媚入骨能目聽而眉語日侍女公子讀書女公子十六醜而不慧師之所授木木然銀紅聞而得神解或取女公子紙筆習虞永興書神韻天然顧焚而不肯示人師虞山老宿也憐銀紅之慧每授書輒令銀紅旁侍實則師意授銀紅不授女公子也方伯清鯁無兒有姪叔萊在南皮年十九通敏能文方伯器之將立以爲嗣夫人不欲而止然時時以書至方伯亦常以資伙助之時有竇副將者吳橋人以事干大府之怒將劾繫之方伯力爲陳請得

無事贊啣恩尋以武功任廣東總兵貽書方伯則稱曰門下士於是銀紅浸長已十六容色益華好舉止如大家姝見者不審爲青衣也夫人年五十忽病風痺自傷無兒頗垂意於叔萊則令人招之於南皮既至拜牀下夫人誠語以此來爲繼嗣計且泣叔萊再拜呼母夫人悅令除舍款叔萊叔萊固已娶婦沈極醜悍叔萊怏怏不欲迎其婦方伯不可卒迎之沈至見銀紅不悅謂其色足以盪叔萊粹請於夫人請嫁銀紅顧女公子雖不慧頗親銀紅涕泣不許夫人以愛女故即亦聽之而銀紅者見叔萊清婉有儀又通膽長於文章心頗屬叔萊時於竹間石畔相見微微吐韻語叔萊固醉銀紅之豔乃不知其慧而知書也銀紅既入叔萊於竹竿上得小詩似小刃所鐫體類虞永興乃

南皮縣志

卷十四

故實志下

志餘

十五

尤駭詩曰初陽一抹上窗紗曉榜聲中知早衙潑盃朱闌西北角牡丹已作兩三花下書銀紅二字叔萊大驚自知請於母氏必得銀紅然既格悍妻決無成事時夫人漸就沉頓遂歿沈主內政喪中立遣銀紅有歸德韓子壽以候補道分廣東用六百金得銀紅爲妾女公子大哭顧方伯年高家政一聽之沈沈以威力屈女公子卒嫁銀紅乃子壽之妻亦奇悍布私人於子壽左右聞耗大怒銀紅一至卽率婢媼奪之衣以敝衣食以惡食雜婢媼作苦子壽不能一面也既至廣東而竇公適忤於大府以別將代之竇公間居與子壽鄰一牆之隔時聞韓妻罵詈銀紅聲竇公耳聽銀紅久忽問其夫人曰誰爲銀紅者其名甚韻何至動加詈辱夫人曰吾聞老媼言此監司新得姬也不見容



於夫人故曰楚辱聞將出而售人寶公曰吾但有幼子而無女彼既爲處女之身胡不以金贖之夫人悅潛以媪告韓夫人夫人曰果寶公肯購而爲女得五百金卽予之於是議成銀紅過寶家泣拜寶公夫婦曰兒爲何方伯女公子侍兒夫人恩我如愛女顧乃不悅於少夫人因而見鬻既入韓氏夫人威力乃令兒無可自伸之辯終日重足一跡不期大人竟拔難人於苦海雖百死不能報也寶公驚曰汝爲何氏侍兒乎是吾師也爾願更歸何氏乎銀紅曰少夫人之妬競甚於鄰家公曰吾知之矣何公繼子甚賢其婦殆爲此而遣汝汝果悅何公子者老夫必爲汝圓其破鏡銀紅羞不能舉但有悲涕公及夫人咸爲太息自是銀紅遂留寶家而何公者亦漸病廢罷官歸南皮不一年

歿沈氏據有其翁之產乃終不育叔萊服闋連捷入詞垣以恩科出爲廣東主考以通家之誼闈後謁寶公公延接入面夫人遂留飲寶公曰吾師歸道山後盛澤延及世兄遂紹先業此固吾師之德而亦世兄之賢今世妹嫁乎叔萊曰嫁矣寶公曰聞世妹有侍兒甚慧今又安在叔萊變色似有無窮心緒一一溢諸面顏久久不能發吻寶公曰世兄頗欲面其人否叔萊恍然意銀紅遣時云隨一監司過嶺今吾適亦過嶺銀紅其果遇於此耶則期期而答曰願之湘簾旣動銀紅雪涕而出彼此癡立不能發一語銀紅涕交於頤眞所謂梨花一枝春帶雨者年已二十一變雛年穉狀而眼波尤媚雖在悲涕之中而神韻欲突淚光而出夫人曰嫂氏所以留銀紅在此將軍特欲報師門之

恩聞小郎久未有胤嗣卽請以今日成嘉禮惟使命在身不能挈還南皮姑留在此將軍亦倦而思歸不日北行返吳橋彼此同在河間夫人卽不直銀紅而吾家足爲小郎別館也叔萊不期屈膝謝竇公夫婦是夕遂成禮竇公旣歸吳橋銀紅連舉二男而沈無知也一日竇公生辰叔萊攜沈伸祝銀紅匿不之見但見其二子面目與叔萊無一不肖白皙而清腴沈大驚異歎曰果此二子長居吾家誰則能辨其不爲叔萊子者惜不產自吾家耳竇夫人笑曰果夫人欲之卽以奉獻惟得子尙聯其母沈愕然曰彼母爲何人竇夫人曰卽十年前遣嫁之銀紅沈曰銀紅尙在此乎此子卽肖叔萊然則銀紅歸叔萊久矣嫂氏胡再不言吾年已三十以外但欲得子尙何妬之云請銀紅出與南皮縣志

卷十四

故實志下 志餘 十七

我相見於是銀紅出而展拜沈大悅迎銀紅並其二子歸南皮

畏廬漫錄

唐相國賈耽滑州節度使常令造鹿皮衣一副旣成選一趨捷官健操書緘付之曰汝往某山中但荆棘深處卽行覓張尊師送此書任汝遠近使者受命挈糧而去甚惶惑入山約行百餘里荆棘深險無不備歷至一峰半腰中石壁聳拔見二道流碁次使者遂拜道流曰賈相公使來開書大笑遂作報書一曰傳語相公早歸何故如此貪着富貴使者齎書而返賈公極喜厚賞之亦不知其故也又嘗令一健卒入枯井中取文書果得數軸皆道書也遂遣十餘人寫纔畢有道士突入呼賈公姓名叫罵曰爭敢偷書賈公遜謝道士因復持去鄭州僕射陂東有一

處置之三日一來省吾如死則葬之於彼其子不獲已載去得一磐石近池置之悲泣而歸其父忽見一黃犬來池中出沒數四狀如沐浴既去其水卽香叟渴欲飲而氣喘力微乃肘行而前既飲則覺四體稍輕飲之不已卽能坐子驚喜乃復載歸家則能飲食不旬日而愈他日賈師復出至前所置車處問曰前度病人在否吏報今已平復公曰人病固有不可識者此人是虱癥世間無藥可療須得千年木梳燒灰服之不然卽飲黃龍浴水此外無可以治也不知何因而愈遣吏問之叟具以對公曰此人天與其疾而自致其藥命矣夫時人聞之咸服公之博識則醫工所謂異人者信矣

會昌解頤太平廣記卷八十三

唐賈耽好地理學四方之使乃是蕃虜來者而與之坐問其土

南皮縣志

卷十四

故實志下

志餘

十九

地山川之所終始凡三十年所聞既備因撰海內華夷圖以問

其郡人皆得其實事無虛詞

盧氏雜記太平廣記卷一百九十七

唐相賈耽退歸第急令召上東門卒至耽嚴戒之曰明日當午有異色人入門爾必痛擊之死且無妨門卒稟命自已至午果有二尼自東百步相序而至更無他異直至門其尼施朱傅粉冶容豔佚如倡人之婦其內服殷紅下飾亦紅二尼悉然卒計曰尼髡未之有也因以撾痛擊之傷腦流血叫號稱冤返走疾如奔馬旋擊又旋傷其足殆狼籍毀裂百步以上落草映樹已失所在更無蹤焉門卒報耽且述別無異色只遇二尼衣服容色之異耽曰打得死否具對傷腦折足痛楚殆極但打不死而失所在無可尋之耽歎曰然不免小有災矣翌日東市奏失火

延袤百千家救之得止

芝田錄太平廣記卷三百七十三

宋宣和間捕役張德平日健勇擒捕有獲然多及平民嗣因染疫身死半歲墓中忽有聲其子往視則墓已穴露出其面開墓出之身變白蛇子驚問何爲異類德曰因多殺平民致獲此報汝可作屋置我於中開竅於頂以便出頭四望日飼我肉十餘斤足矣年餘身漸大食增多家困謂子曰我雖破爾財物切勿害我若殺我則十二年後復爲白蛇天下兵矣子憤其妖因謀殺之以止兵禍乘醉礪刃斷之蛇奮躍輾轉壞屋宇桑蔴數里

宣政雜錄

元王思誠字志道兗州滋陽人至正時河間路總管南皮民嘗瀕御河種柳輸課於官後河決柳沒官猶徵之子孫貧不能償

南皮縣志

卷十四

故實志下

志餘

二十一

思誠連請於朝除之

徐家集舊有馬神廟一座先是徐氏有宦遊他鄉者時屆年終思親念切但路可數千里按日計程惟恐不能於年前至家其人畜有良馬乘之歸竟於年前抵家馬用力過不數日死主人感之爲之請於邑宰而立廟祀焉

採訪冊

南皮李槐亭輯皇明詩統在錢謙益列朝詩集之前天津圖書館藏有明刊本惜已漫漶朱德輿朱崇甫王光祖周兆龍諸人有贈槐亭詩均見集中

總廬詩話

槐亭亦工畫明宗室朱效鋌朱效鏗皆有槐亭李公畫松歌效鏗歌云君不見南山長松參天碧鬱鬱森森幾千尺參差偃蓋拄危峰屈曲盤根抱幽石又不見渤海仙客雄豪人藝林詞賦

稱絕倫兼才更復好奇偉丹青落筆如有神高堂酒酣拂縑素  
須臾纜出長松樹滿林漠漠雲亂飛萬壑蒼蒼日將暮龍蟠鳳  
舞何崢嶸坐客相看疑且驚高標尙帶煙霞色五里如聞風雨  
聲大夫磊落青雲彥訟府人間足清玩勁節由來傲雪霜瓌材  
自合推楨幹楨幹峩峩凌紫煙天臨雨露自應偏終使棟梁歸  
大厦持圖爲獻明堂前錄此得以見張文達之前南皮已有畫  
人矣

總廬  
詩話

南皮侯子木明萬曆癸卯舉人與李性參光祿同年有贈性參  
七律一首所著抱甕吟歸田樂府清乾隆修四庫全書時皆銷  
燬見禁書總目今從皇明詩統中錄存之如塞上曲云遼山一  
何突半是遼人骨不見晝行人但聽鬼夜哭遼水一何咽半是

南皮縣志

卷十四

故實志下

志餘

二十一

遼人血孤兒下馬飲未飲腸先絕遼風一何淒哀哀寡婦啼哭  
夫又哭子悔作遼人妻遼霜一何早遼人白髮少十征九不還  
牖下幾人老明末東人從戎之苦可以想見

總廬  
詩話

鄭龍川先生金未達時家貧讀書於南城門樓上偶俛睥睨下  
觀地遺一荷包下城取視乃蝦蟆也棄之地則爲荷包如故及  
拾眎又依然蝦蟆矣反覆審諦不誤復擲之如是者三遂登城  
注視忽一挑柴人過俯拾而走鄭急下向其借觀則公然一小  
荷包也內貯銅錢七枚因自嗟命薄如是何讀書爲遂廢學一  
日夏晚在城北門大寺灣遺矢聞水面上有人喁喁語一曰竊  
喜明日得替身矣一曰若何曰明午時有四耳六足者則其人  
也鄭知爲鬼默識於心翌日於水邊伺之至午果有人策蹇彳

于而來頭頂一雙耳小鍋熱甚下驢置鍋方欲解衣就水浴鄭  
忽悟四耳六足之說急前持其人告以昨晚所聞語其人致謝  
而去落日後復於舊處察之仍聞二人語曰汝言何不驗曰昨  
共語爲鄭進士所聽致敗乃事事機一失又須守候數年矣言  
既各嗚嗚入水去鄭心竊喜於是復奮志讀書乙丑科果中進  
士仕至戶部主事

秋坪  
新語

邑先輩李槐亭先生嘗感太監馮保事賦馮璫行方援筆構思  
几上墨忽臚剝作聲賓友聞其奇咸來觀墨猶鳴不已良久乃  
寂偶以他事作答卽用前墨殊無聲及操觚復續前篇又咋咋  
鳴故平生所爲詩集以墨鳴名焉所賦馮璫行風格不減長慶  
所謂言者無罪聞者足戒也

秋坪  
新語

南皮縣志

卷十四

故實志下

志餘

二十二

張御史淮少讀書邑城之西樓因與西鋪地約不合乃攜書籠  
移往東門樓上其日已曛暮方行至東街荒宅邊忽見東鋪地  
方叩頭謝公問故曰適恍惚中見官府過騎從甚都方欲趨避  
而輿已至前怒吾衝其鹵簿叱從者按地答責忽曰張御史到  
倏不見而公恰來想異日必做御史也後果以正德戊辰進士  
入戶曹考授御史游歷河南按察使公初巡按中州偶微行寓  
一古舍中忽聞人呼其名怪之急出戶眎所舍屋仆矣公風力  
最峻搏擊豪強申理冤抑不法之徒一時喪膽嘗漁服渡河操  
舟者勒索多貲人皆髮指公責其貪橫舟人怒叱曰莫云爾輩  
卽御史張某過亦不能短我分文也公至署擒之來鞫得其不  
法事跡累累乃用長板釘其手足於上賓之河干示衆數日乃

死同前

長安寺在邑城東潞灌鎮西南里許寺僧頗饒有田數百畝種  
植時荷鋤如雲忽來一傭工人軀幹菌蠢性情椎魯問何姓不  
知某處人亦不知但曰某生前是一黃牛爲人耕耨劇出力主  
人偶拂其司牧意自辰及酉不與食飲掣梃毒毆痛絕難忍忽  
覺從高山墜下自視已成人身胸前猶牛毛毳毳父母俱亡流  
落於此爲顏成山家傭工聊以餬口大師肯見留耶僧乃授值  
使墾田每赴田中必張目四顧見道路不平處輒攜鋤啟土墊  
之務坦蕩而後已遇牛駕車來必扶翼以行旣遠乃罷或問之  
曰凡車轍中有容莖過則震動牛心如錐刺大牛尙可小尤不  
能堪也後其人死卽葬之寺傍至今其塚累然同前

南皮縣志

卷十四

故實志下

志餘

二十三

邑治東北隅舊有來喜堂瓦屋三楹賓興公所也每大比邑侯  
延應試諸生按學使錄名次賚以花紅召妓侑酒爲蟾宮折桂  
兆前明崇禎庚午舉行故事其妓姿色妍麗奉觴向諸生抃舞  
而歌歌中有盡與皇家作棟梁之句是科中式爲黃公家棟竟  
符其纖黃公邑名宿清初定鼎時以署本縣印務無不悅服舊志  
劉海若先生係順治乙未進士官河南扶溝縣知縣充丁酉科  
江南鄉試同考官閱文數日無一薦卷主司促之先生乃袖出  
一卷曰某房祇此一卷文甚名貴將來必作太平宰相餘俱不  
堪自以過少故爾遲遲主司取視之卷誠佳顧先生曰大舜作  
樂一夔足矣桃李何以多爲遂取入榜中及拆號乃合肥李天  
馥也後爲名相諡文襄名位勳業一如先生言至今邑人皆能

道其事舊志

康莊康黃颺清初鉅盜也軀幹伸縮自如頭過處身莫能阻能爬行竈突中故號黃颺殺人越貨積案累累官兵莫敢近幸而弋獲繩索桎梏縮體抖之脫如蛻某年劫郝家馬村單姓刀傷人單控於縣不得理上控於府府嚴飭縣令限期破案捕快先賄通黃颺所狎妓約期往捕及期妓置酒媚之大醉妓稱其能黃颺益自豪與妓賭謂物莫彼縛也妓取匹紬上下緊縛之紬性韌抖不脫官兵掩入黃颺知被賣舉足殺妓卒就擒一方稱

快探訪册

許南金先生最有膽在僧寺讀書與一友共榻夜半見北壁燃雙炬諦視乃一人面出壁中大如箕雙炬其目光也友股慄欲

南皮縣志

卷十四

故實志下 志餘 二十四

死先生披衣徐起曰正欲讀書苦燭盡君來甚善乃攜一册背之坐誦聲琅琅未數頁目光漸隱拊壁呼之不出矣又一夕如廁一小童持燭隨此面突自地涌出對之而笑童擲燭仆地先生卽拾置怪頂曰燭正無臺君來又甚善怪仰視不動先生曰君何處不可往乃在此間海上有逐臭之夫君其是乎不可辜君來意卽以穢紙拭其口怪大嘔吐狂吼數聲滅燭而沒自是不復見先生嘗曰鬼魅皆真有之亦時或見之惟檢點生平無不可對鬼魅者則此心自不動耳

闕微草堂

張子畏侍御官選曹時年三十六與農部張民侯同事西園民侯爲侍御推干支云四十一歲當生佳兒其時侍御夫人徐氏方久病不育因笑詰之以爲其言之不足信也後徐歿越歲餘



繼配夫人劉至四十一歲果生一兒命名應運後改名景運又改大復卽所稱秋坪道人也

南皮張春岩大復初名景運字靜旃少年以詩自豪五言如荒雞醒客夢殘月逐人行萬山隨地湧一水抱城流七言作宰原來非熱客出山依舊是閒雲俱老到

念堂詩話

南皮張浮槎名景運卽著秋坪新語者有一子早亡其婦縊以殉縊處壁上有其子小像高尺餘眉目如生其跡似畫非畫似墨非墨婦固不能畫又無人能爲追寫且寢室亦非人所能到是時親黨畢集均莫測所自來衆目同觀咸詫爲異此烈婦精誠之至極不爲異也蓋神之所注氣卽聚焉氣之所聚神亦凝焉神氣凝聚象卽生焉象之所麗跡卽著焉生者之神氣動乎

南皮縣志

卷十四

故實志下

志餘

二十五

此亡者之神氣應乎彼兩相翕合遂結此形故曰緣心生象又

曰至誠則金石可開也浮槎錄其事跡徵士大夫之歌詠

灤陽續錄

張丙震字乾輝號鑑庵又號岸樵南皮人乾隆卒丑進士兵部員外郎寶慶府嚴州府知府著有悟蘭室詩草吳穀人錫麒爲之傳略云抱負素奇嘗鑄私印取李供奉天生我才必有用之句塾師見而異之守嚴州以簡靜治之案牘不留苞苴盡絕有百姓喚菩薩吏胥活餓殺之謠無他嗜好惟究以六書能辨金石眞贗年五十有七卒於官

津門詩鈔

城東尹家莊莊外西北舊有玉皇廟一座尹孝廉天爵爲秀才時一夜偶過此廟聞內有喚其名者天爵愕然卽於是歲中式舒一湯公居邑東劉奇莊素喜請鸞值武鄉試其猶子之啟將

赴都公焚檀書符請仙卜取舍書云不在水邊在木邊衆皆不解或疑其語不祥及揭榜報人至所寫帖乃順天府中式武舉人楊之啟雖意姓或誤書而未敢徑信後落第人回方知訛湯爲楊也水邊木邊語爲奇中

秋坪新語

乾隆四十六年二月西商侯允吉以南邑東門外白衣大士廟頽廢已甚發願重修於是丹麓塗茨煥然鼎新時令君山東濟南淄川翟公建屏作記泐石雲南大理府趙州牧勵齋張公書丹焉旣竣事邑老人李耀章曰諸大檀越興廢舉墜功德無量顧亦曾視東偏舊碣乎僉曰未曰此亦奇矣廟固重修於勝國崇禎二年立石者邑侯山東濟南淄川王公所須也書丹者邑人雲南大理府雲龍州牧劉公聯若兩朝重修相隔一百五十

南皮縣志

卷十四

故實志下

志餘

二十六

餘年立石書丹之人姓字雖殊而里居官階如一豈適逢其會歟抑數有定耶衆趣眎果如李言

同前

王三居南邑東門外貨驢肉爲生凡驢宰後用木棍通身排打然後剝其皮旣而王得疾覺週身奇癢癢後繼以痛不可忍百藥弗效惟用木棍擊之則痛頓止於是通身擊遍不日遂死或曰世殺驢者多矣何于王報之獨酷殆家喻戶曉天亦有窮故偶示其罰藉以儆衆歟抑人盡有報耳目未周知耶吁欲知後世因今生作者是母求於人但反之已可矣

同前

乾隆四十七年春二月泊頭義渡人李某夜宿艙中聞風起浪涌舟顛翻撞擊不定恐纜斷亟披衣跌而出視突爲風捲入雲中如有兩人左右掖之者但覺熱氣薰蒸聽觀兩絕飄於一葉

脩不知去幾何里後覺少低依稀是樹影簸動急雙手抱持砰然遂墜頓爾暈絕越日午間有樵童數人譁然相叫乃蘇起視則在一墳樹下蓋連鎖村外也俄頃去六十餘里矣幸頭面無損跌足而歸述其詳莫不擡舌其人今尙在也

同前

邑城南街有惡棍謝姓以其性行頑獷居心鉤棘無論識與不識中之則傷因渾名曰撓鉤凡貧民富戶無不避若蛇蠍也一旦生惡瘡自頭項及胸臆漸至兩股脛無不潰敗色如爛桃瘡孔以千百計而每一孔中輒有一蛆蠕蠕動稍一觸之痛徹心髓叫號數年然後死皆以爲現報云

同前

張鑑菴先生諱丙震乾隆庚子進士歷官浙江嚴州府知府幼年體羸多疾而抱負不凡一日讀傳家集慕司馬溫公之爲人

南皮縣志

卷十四

故實志下

志餘

二十七

夜夢有呵導至者衣冠甚偉旁有人謂曰此溫公也趨起迎之乃就坐爲按其脈曰子脈弱甚然無憂宜往大處想醒後覺胸次豁然如門牖洞開而屏幃之盡撤也自是學日益進

本傳

福報之事以教人爲最大功德南皮張良山先生發長解組後築歸樂園以育英才其後子孫皆游庠序同治戊辰曾孫佩訓成進士科名重振又蕭家橋張佩庚先生恪罷官後自開義學躬教之門生來者皆授以餐不但不收脯修也子曾浴孝廉與余同年孫嗣陶伯麟曾孫元翰元來皆孝廉

卯金家訓

張公慶長以進士宰廣東高要縣年逾四旬尙無子夫人請置妾不許一日公出夫人爲買一妾舉止大雅箱篋攜帶詩書詢之則家本世族父生員因家貧自鬻以養親也公聞之惻然立

蝶

南皮張佩庚孝廉恪工詩爲諸生時見賞於陳荔峰學使甲戌八月寄書並詩十二首有句云不逢崔顥恨如何未曾一刺到崔駟又君爲渤海吟壇長不數江南崔不雕其見許如此佩庚有防躁軒詩鈔五言如秋光三尺水暮色滿城煙衣冠寒士古談笑老農眞七言如世事無常新舊雨故人何處短長亭書千百卷閒中福竹兩三竿世外交俱有意致

念堂詩話

交河蘇眉巖元峩南皮潘薌林一桂並雋才嗜學少時從張佩庚遊余甚器之呼爲蘇海潘江潘己卯登賢書早卒其師哭之曰泉臺不必重悲咽號汝潘江慰汝心張子諒哭之曰潘江蘇海爲三友秋雨春風共一堂皆謂此也

念堂詩話

南皮縣志

卷十四

故實志下

志餘

二十九

張炳墀原名愷字子諒恪弟諸生官永平府教諭子諒賦才旣美天性清尙不屑濫交嘗語葉曉江云我佩庚家兄務廣結納殊不快人意我在津門相交惟一梅樹君耳他何知哉蒙其傾愛如此余實愧之甲申之冬以所著詩草見寄並贈句云聞君操選政七邑費旁求我有詩盈卷偕梅寄隴頭得師從一字作想竟千秋或有零金在披沙幸細搜喜其卷中頗有淋漓大作錄之非阿好也

津門詩鈔

丙戌禮闈後念堂自都中攜來硯溪先生詩一卷內多佳句如人家煙雨外鳥道石橋西峰勢隨雲活鐘聲過澗遲遠煙迷碣石細雨見蘆溝孤雲生絕巘飛鳥戀斜陽俱有唐音其香界寺贈興上人云老僧年八十貌似古松寒自道無憂慮悠然得靜

觀我猶嬰世網念不脫悲歡欲學無生法仍求惠遠安樸老有  
致其送念堂詩云賓主剛三日胡爲馬首東鬚眉同賈島詩句  
似崔峒涿鹿征馱隱津門水驛通到家如有賦風便寄來鴻送  
念堂卽類念堂之詩自注友人見閬仙小照云酷似崔念堂云

津門  
詩鈔

南皮張硯溪和崔曉林憶天津云彈指津門歲月流當時文戰  
富春秋一灣綠水呼漁艇幾處青帘認酒樓薄倖漫疑同杜牧

受知初得識荊州

余受知於學使  
羅南川先生

而今白髮蕭蕭日聽唱陽春

觸昔游

見念堂詩草卷二津  
門詩鈔卷二十三

又西園卽事云微雨不成點桃花

紅過牆天津沈文和兆溥歎爲佳絕

總廬  
詩話

劉璿字在璣性敏捷自幼目盲出入門戶不杖而行善相馬聞

南皮縣志

卷十四

故實志下

志餘

三十

有販馬者至璿趨往手徧摩挲一次卽知皮毛顏色且能定馬  
之價值

張子青尙書之萬爲孝廉時與同伴數人赴京師道出天津公  
騎一紅馬甚神駿途遇洋官見而愛之遣人來買公不許則固  
以請同伴以外國人不足較勸公與之遂牽而去次日將欲啟  
程洋官送馬來還詢其故則洋官甫乘遽被掀下連易數人皆  
掀墜且踉蹌不可嚮邇以爲劣馬故不復留比公乘之調良如  
故共歎此馬之義

庸間齋  
筆記

張文達撫蘇時值赭寇初平民思安樂公天性閑適且風流好  
事吳門畫舫經其提倡繁盛如前其建行臺於拙政園也命酒  
徵花品書品畫外若無餘事夏日荷花旣開道署池上則與幕

友敲棋唱曲而已後有某市人善倒銅旗不知其何以得識公  
公待如客遂日遊竹林作四君子戲矣署中多北人素不解此  
某更絜其同類以進始成局至今有某老翁自言當年與張撫  
臺爲和友並言公常搖大葵扇趺涼蒲鞋往來於柳陰路曲間  
絕無貴官氣象云

南亭  
筆記

薛福成記馬端敏公被刺云端敏騎箕之夕張漕帥之萬在清  
江浦忽夢端敏以年愚弟名帖來拜端敏故與漕帥丁未同年  
也神色慘澹久之默然徐曰吾事專託同年拱手而去未幾得  
旨前赴金陵熬審究犯漕帥至金陵時以語人謂凡事莫不有

定數云

庸齋  
筆記

光緒三年正月張子青制府之母孟太夫人卒於蘇寓先是李

南皮縣志

卷十四

故實志下

志餘

三十一

眉生廉訪於二年十二月夢至張寓入其內寢見太夫人蒙被  
臥牀上子青制府牀前西向坐有一人跪其前李問何人有告  
之者曰酆都令也問何故跪此曰制府孝子也故跪而求之李  
寤語人曰制府其將奉諱乎時距太夫人之歿不二十日矣眉  
生並言酆都令冠七品冠而不衣補服殆其時國服未除故其  
人恂恂如忠厚長者從者十餘人形狀頗不詭異非如世俗所  
傳牛頭馬面而陰慘之氣逼人殊可怖也獨念自蜀至蘇迢遙  
數千里酆都令君跋涉遠來無乃太勞且何以必使眉生見之  
豈以眉生蜀人有維桑之誼耶

耳郵  
卷二

張文達之萬工畫山水擅婁水諸家之勝而尤醉心於石谷官  
江蘇巡撫時愛拙政園泉石池榭之幽秀購爲八旗奉直會館

葺而新之旋升閩浙總督移居其中浙人之在吳下者釀金演劇觴公子隨衆一揖望見丰采公清癯鶴立談宴至夜分不倦

寒松閣談  
藝瓊錄

劉彭齡字錢符幼穎悟不喜爲章句學好爲詩十餘歲吟詠不輟最嗜杜工部詩往往有所得輒棄之不以示人是以詩無多存又好煨器見匠人煨銅沽酒市肉饋之藉習其業不數年居然能自成器素嗜養馬善自騎又善御凡車馬用銅鐵之器皆自製之不購於市頗稱良藝惜不永年而卒卒年二十四探訪冊

同治癸亥殿試張之洞策盡意敷奏不依常格先是江蘇貢生吳大澂應詔上書言殿試對策或有讜論試官匿不以聞請申壅蔽之罰及見張策閱卷官頗疑怪久之乃擬第十進呈皇太

南皮縣志

卷十四

故實志下

志餘

三十二

后拔置第三人生遇合固有莫之爲而爲者按順治時馬士俊

乾隆時汪廷珍皆以對策讜懋及第

喉庵雜識

文襄督學四川日作輶軒語訓士時譽翕然成都武抑齋孝廉謙游公門嘗問治說文如何致力公告以入門之法曰試先取許君五百四十字部首記其形體審其音讀究其訓解殫數十日之力往復熟習必期一睹其字卽能讀爲何音辨爲何義並閉目而能默寫其字體一一無譌再與言第二事

同光間某科會試場後潘文勤張文襄兩公大集公車名士燕於江亭先旬日發柬經學者史學者小學者金石學者輿地學者歷算學者駢散文者詩詞者各爲一單州分部居不相雜厠至期來者百餘人兩公一一紆尊延接是日天朗氣清遊人亦

各興高采烈飛辨立黃雕龍炙輅聯吟對奕餘興未涿俄而日  
之夕矣諸人皆有飢色文勤問文襄今日肴饌令何家承辦文  
襄愕然曰忘之矣今當奈何不得已飭從者赴近市酒樓喚十  
餘席至皆急就章也沽酒市脯重以餒敗飯尤粗糲衆已憊莫  
能興則勉強下咽狼狽而歸有患腹疾者都人至今以爲笑談

水冰室  
野乘

文襄能十餘夕目不交睫其督蜀學時一日出城遊浣花草堂  
偶集杜詩二語爲楹帖欲繫以跋因坐而屢思稿數十易終不  
愜然已三日夜不寐矣侍者更番下直猶不支困而僵者相屬  
也而文襄從容如平時及揮毫落紙則僅集本集句四字而已

書成始欣然命駕

水冰室  
野乘

南皮縣志

卷十四

故實志下

志餘

三十三

廣東向有惡習凡新任督撫到粵則太平關饋銀十萬海關運  
司各饋五萬督撫署任者到粵則太平關饋銀五萬海關運司  
各饋二萬五此非私囊之賄賂蓋習慣自然不啻開銷公款矣  
南皮到粵時下車未久此款纍纍獻至張祥驚曰此阿堵物何  
爲者後命充作公款

南亭  
筆記

文襄在兩江任袁項城自天津如南京就商要政密談兩晝夜  
其問題爲改良軍制厲行教育二人各執己見議論終無結果  
項城行日文襄餞之於署幕客趙某等侍坐項城問趙姓氏畢  
忽大噓趙不禁面紅耳赤文襄怒目視之乃假寐以示輕慢竟  
至熟睡呼之久不醒項城一怒而去文襄醒後不見首座客亟  
命左右請之回項城雅不欲往三請三辭文襄不得已親迎之



長揖謝罪相偕入署歡談暢飲而別同上

南皮張香濤署兩江讌客不期而至者八人南皮見座無餘隙乃起身出箕踞胡牀上勸客盡醕且徐徐下令曰當與公等一訴衷情也衆唯唯既而南皮隱几而臥鼾然入夢酒罷南皮未醒衆不敢散中有一客爲某宮保詰嗣素嗜阿芙蓉膏徘徊廳事間煙癮大作涕泗橫流直至夜盡南皮始欠伸而起衆興辭出已東方欲白矣同上

張文襄廣雅堂詩集不分卷係生前所刊詩亦多效宋人在晚清風氣中此老一生宦海無暇作詩人推敲然偶有吟弄便迴絕時流蓋讀破萬卷之後自然無不雅之音無怪陳石遺之五

體投地也無廬詩話

南皮縣志 卷十四 故實志下 志餘 三十四

黃州赤壁濱臨大江有蘇文忠公祠字張文襄題聯云五年間謫宦棲遲試較量惠州麥飯儋耳蠻花那得此清幽山水三蘇中天才獨絕若尙論東坡八詩赤壁兩賦還是公遊戲文章時文襄由兩粵調鄂隱然以東坡自況遊戲文章云云圓謔亦妙

清代佚聞

張之洞輓彭剛直聯五年前瘴海同袍艱危竟奠重溟浪二千里長江如鏡掃盪難忘百戰人同上

張文襄督兩湖時其孫自海外留學歸戎裝乘騎入署衛兵列隊鳴礮以迎甫及轅馬受驚騰驤翻墮其孫佩劍竟刃腹而死文襄哭之慟挽以聯云宗慙墮馬竟戕生虛予期望乘長風破巨浪之志汪錡雖殤亦何憾恨汝未能執干戈衛社稷而亡同上

張文襄公爲總督嘗於除日以衣裘送質庫供用或戲之曰公與名士爭名又將與寒士爭寒耶然公薨後弔客歸皆言橐金實不多云

舊聞隨筆卷三

南皮所建兩湖書院共費十餘萬金一湖在講堂之下即梁鼎芬所謂兩宮若不回鑾此吾死所者一湖在大門之外雙隄夾鏡風景天然南皮無事輒騎馬而來冬日戴一紅風帽長髯飄拂如銀見者皆有望若神仙之歎南皮善騎梁鼎芬有時策鞭其後梁軀肥短偶然縱轡而行則以兩手緊據判官頭遠望之僅見一背隆然高起南皮一回顧而笑聲作矣兩湖書院肄業諸生體操之外更習行軍嘗有五十人至紅山試馬馬皆劣者下坡之際墜者多至四十餘人南皮一一爲之延醫調治約半

南皮縣志

卷十四

故實志下

志餘

三十五

載始次第而瘥從此肄業生不敢復作據鞍之想矣

南亭筆記

歷史載僞太子事若漢若明多有之至出亡之建文帝則故主也從未有僞託萬乘者若庚子武昌之事真如妖矣己亥年湖北有巡檢者赴內閣驗看出東華門誤觸中貴車爭持久不解倏一騎自門出儀觀甚偉中貴執禮維謹其人指揮數語立散去巡檢心異之逾歲黃州忽來一男子自詣府解驕倨不可一世問姓名不答知府驚異莫測傳至武昌其時上困瀛臺或傳有遜荒說總督張文襄自光緒初出鎮山右歷擁旄節未入朝初不識天顏遲疑不敢決始羈禁江夏獄陰囑守令共視之徧徵各官辨識巡檢一見則大驚卽東華門策騎人也馳告文襄於是各官皆入獄瞻仰男子微示意爲光緒皇帝避太后凶威

而出巡檢典史深信之日朝服往起居男子書一紙巡檢可守  
武昌典史可守漢陽此二人則詣督署傳恩命文襄已疑之無  
何男子復書一紙諭張之洞吾在獄困甚速致銀三千兩文襄  
決知其僞令兩司嚴鞫乃供爲御前侍衛北京漢人也貧甚謀  
假託攫金遁耳文襄不敢上聞陰斃之獄中別撫他事革巡檢

典史職

崇陵傳  
信錄

張南皮督兩湖於大堂自署一聯云西通巴蜀南控荆襄中有  
九江合流形勝無雙楚尾吳頭一都會內修政治外詰兵戎兼  
司四裔交涉師資不遠林前胡後兩文忠

南亭  
四話

南皮偶作小詩及聯語等亦復鎔經鑄史元氣渾然如八旗奉  
直館聯云主恩前後三持節臣本煙波一釣徒上句杜工部下

南皮縣志

卷十四

故實志下

志餘

三十六

句查初白其妙在不着議論自得言外之情湖北銀元局聯云  
楚國以爲寶天用莫如龍上句出楚書盡人皆知用諸鄂省可  
謂恰如題分下句出史記妙能關合龍洋

同上

南皮曾語某比部云我辦事有一定宗旨卽啓沃君心恪守臣  
節力行新政不背舊章十六字終身持之無敢差異也又語人  
曰我此次由湖北到京一路所遇少年其言語每好作反對是  
亦無可如何者

同上

癸卯張文襄來湖園召見出殿門樹往迎之扶到朝房休息數  
刻坐肩輿回小寓後遇濮梓泉前輩聞之內監云孝欽與文襄  
見面孝欽嗚咽涕泣文襄亦涕泣始終未交言蓋各有傷心不  
知從何處說起惟有對泣而已對泣已久孝欽命休息乃出孝

欽癸亥垂簾閱定文襄殿試卷是時文襄二十六歲今免冠叩

首白髮鬚髻孝欽焉能不感

高樹金鑾  
瑣記云

張南皮好作詩鐘入樞閣後結習猶在管限蛟斷二字分嵌一

聯梁節庵作云射虎斬蛟三害去房謀杜斷兩心同南皮揚之

於朝袁慶亦並歎賞於是梁遂獲某缺

南亭  
四話

南皮相國在京寓錫拉胡同與項城私第僅一牆隔自書門聯

曰朝廷有道青春好門館無私白日閒曰有道曰無私可謂寓

諷於微

同上

南皮與仁和在朝房閑話南皮謂科舉一日不廢則學堂一日

不興仁和聞之鬚眉倒豎直斥南皮曰別的我都不管我但問

你是從科舉出身是從學堂出身南皮不服仁和怒甚勢將用

南皮縣志

卷十四

故實志下

志餘

三十七

武幸為蘇拉勸散否則仁和定以老命相拚云

南亭  
筆記

南皮抗顏前輩不肯下人如李鴻章劉坤一皆與之意見參差

庚子張劉既訂東南之約李在京惟日往來於聯軍總統瓦德

西之門而已張遺書誚讓之李告人曰香濤作官數十年猶是

書生之見也蓋謂其不諳大局也張聞而勃然曰少荃議和兩

三次乃以前輩自居平時人目為天然對偶

同上

南皮在京日鬱鬱無聊或有諷之乞退者南皮攢眉而已後始

知原籍僅贖破屋數檐其餘古董書畫所置無幾此次僅一展

墓而親戚故舊之告貸者已不絕於門南皮苦之匆匆登程而

去

同上

張文襄之長公子名權幼敏慧一日有客訪文襄不遇權出謁

焉客與語甚賞之因語之曰鼎甲一二三權應聲曰盤庚上中

下同

張香濤中丞輓吳可讀云殲良終痛秦黃鳥授命無慚衛史魚

後卽以此為專祠楹聯

粟香二筆卷一

張文襄說經鏗鏗頗多妙解嘗謂洪範金曰從革從革當作縱橫蓋書契歷千百餘年蟬蠹叢殘脫落偏旁穿漏筆畫意中事也後人未遑深考遂致沿從革之訛又謂孤篷聽雨在詩中則為妙境若身歷其地便覺難堪其妙想隨在表示不獨說經也

清稗類鈔經術類

紀文達單字橋道中贈驛卒云失足尋常事疲癯不汝嗔忍飢今幾日我是故鄉人張文襄閱僕云峻坂推輪雨雪雩蕭奴從

南皮縣志

卷十四

故實志下

志餘

三十八

我在他鄉乾餼冷店同朝暮此亦貧交不可忘二老皆達官能

體恤下情所謂仁義之人其言藹如

總廬詩話

南皮晚年極疲恭論者謂其有意避事或亦有之蓋其閱歷既深覺無一人可靠無一事可辦遂憤憤流於消極亦理勢然也歿後南北士林多悼惜挽章極多惟湘潭王湘綺先生一聯云老臣白髮痛矣騎箕整頓乾坤事粗了滿眼蒼生凄然流涕徘徊門館我如何言之凄然有餘慟焉

清代佚聞

廣雅詩之最清切者如焦山觀寶竹坡侍郎留帶第三首云故人宿草已三秋江漢孤臣亦白頭我有傾河注海淚頑山無語送寒流第三句用陸放翁祭朱子文語放翁語又本世說也拜寶竹坡墓二首云翰苑猶傳四諫風至尊能納相能容楓林留

得愁吟老長樂疎星獨聽鐘子政忠言日月光清貧獨少作金

方市樓一盞良鄉酒那得魚頭共此觴自注君貧甚官侍郎時余嘗凌晨訪之惟新熟

良鄉酒一罌與余對飲更無鮓菜鹹齏一碟而已用魯宗道事公與竹坡先生交情甚篤故情

文兼至若此悲懷云霜筠雪竹鐘山老灑涕空吟一日歸用荆

公悼亡詩語輓彭剛直云天降江神尊氣吞海若倍用清河公

及東坡詠錢武肅事用事精切皆可方駕坡公亭林者登采石

磯云艱難溫嶠東征地慷慨虞公北拒時衣帶一江今涸盡祠

堂諸將竟何之衆賓同灑神州淚尊酒重哦夜泊詩霜髯當風

忘却冷危闌煙柳夕陽遲自注磯上有太白樓彭剛直楊勇懋祠嘗評公詩古體

才力雄富今體士馬精研古體如銅鼓歌送莫子偲遊趙州送

王壬秋歸湘潭九日慈仁寺毘盧登高秋興憶蜀遊詩嘉州酒

南皮縣志卷十四 故實志下 志餘 三十九

歌登牛首山望終南曲江樊川輞川作歌花之寺看海棠戒壇

松歌湖北提學官署草木詩憶嶺南草木詩金陵遊覽詩慈仁

寺雙松猶存往觀有作皆集中之工者近體則已錄諸首外如

人日遊草堂寺送吳秋衣往四川爲道士輓吳子珍濟南雜詩

題許海秋母山水畫卷此日足可惜絕句九日登天寧寺樓武

備學堂絕句諸作有安陽半山石湖之勝此論曾刊印師友詩

錄中公薨前數月特取閱之石遺詩話卷十一第三頁

南皮在京所定學章最重經史故曾於大學堂添設經史學科

向張長沙云能解經典之文章自無離經畔道犯上作亂之弊

方足爲異日立身應事之基礎自返鄂後亦曾欲於鄂省學堂

添課經史某日某尙書得其手札云現已通飭全省大小學堂

一律添補經史學科且擬將兩湖書院改爲經史專門學堂云  
云同上

文襄小學堂云犯盡龜茲曲調新樂工繙譜每含鬯顏家却勸  
鮮卑語學取他年事貴人用顏氏家訓以諷今之學洋文者又  
金陵雜詩之一云秘種傳來自海涯雞雍爲帝亦堪嗟牡丹芍  
藥舊王謝一尺妖紅月季花興學以來醉心歐化遂至強賓奪  
主不戰而降此二詩已預料及之矣同上

張文襄病中絕筆詩云誠感人心心乃歸君民末世自乖離豈  
知人感天方感淚灑香山諷諭詩或疑君民宜作君臣詢之陳  
弢老謂民字不誤實有所指文襄在樞垣日力持大體時津浦  
路方謀始將簡大員督辦粵人某君聲氣素廣期在必得朝議

南皮縣志

卷十四

故實志下

志餘

四十

已垂定矣沾上士紳大譁呼籲甚切文襄以輿論不洽力爭監  
國問輿論不洽如何文襄曰推其極恐激成民變耳監國怫然  
曰君如贊同誰再梗議且朝廷練兵奚爲者何以動畏民變耶  
文襄變色曰朝廷練兵非以殺民者亦拂袖去某公督辦之令  
旋亦未果下時長郵傳之某君適隸津籍遂以屬之然文襄因  
此嘔血而病源遂伏於此矣迨後朝旨突以監國攝行大元帥  
未幾又以近屬某某典軍文襄力爭無效乃乞病假初本無疾  
猶冀藉此促負辰者之悟久之親貴競進時事日非文襄欷歔  
感歎每語客曰清社亡矣祈死之心愈決中間曾閣閣謝客輯  
師友遺詩以償宿願即今日吾友高蒼檜所刊之思舊集也其  
遺疏中有不樹黨援不殖私產之語聞爲弢老所加強老送文

襄歸襯詩云太行蜿蜒送公處卅載豈意重隨肩對談往往但  
微歎此景追味滋涕漣又挽聯云窺微早識病難爲語外亦有

所指也

今傳是樓詩話

南皮入相已晚其時滿漢新舊之爭尤烈感歎所及輒寓於詩  
新舊云璇宮憂國動霑巾朝士翻爭舊與新門戶都忘薪膽事  
調停頭白范純仁又西山詩末二句云新舊祇今分半座廟堂  
端費幹旋功凡知光宣朝局者皆可識南皮苦心也堯甫挽公  
句云匡時苦費調停策絕筆驚看諷諭詩兩語肅括可見生平

今傳是樓詩話

張文襄公最惡六朝文字謂南北朝乃兵戎分裂道喪文敝之  
世效之何爲凡文章無根柢而號稱六朝駢體以纖仄拘澀字

南皮縣志

卷十四

故實志下

志餘

四十一

句強湊成篇者必黜之書法不諳筆勢結字而隸楷雜糅假託  
包派者亦然謂此輩詭異險怪欺世亂俗習爲愁慘之象舉世  
無寧字矣果不數年而大亂迭起文襄之言遂驗

同上

端王載漪既獲重咎大阿哥溥儀之地位自難保全惟以事關  
儲貳本西后得意之筆既覺立予廢黜有損面目而諸臣進言  
亦多顧忌故遲至辛丑回鑾途次始黜之據抱冰堂弟子記云  
庚子西幸以後和局將定朝廷斟酌回鑾之舉外人來言諸禍  
首雖已治罪然某要事未辦名位如故到京後各國必力要之  
得請乃已乃密電樞廷勸其面奏趁兩宮未到京之先出自慈  
斷發之以全國體此議遂定時乘輿尙在汴也所謂某要事卽  
指廢溥儀事是張之洞固此議之發動者爲和局計亦爲西后



計也又據庚子西狩叢談吳永自述云予在湖北時屢謁制府張文襄公意頗親切詢及出狩及行在情狀每感歎不止一日忽談及大阿哥公謂此次禍端實皆由彼而起釀成如此大變而現在尙留處儲宮何以平天下之人心且禍根不除尤恐宵小生心釀成意外事故彼一日在內則中外耳目皆感不安於將來和議必增無數障礙此時亟宜發遣出宮爲要著若待外人指明要求更失國體不如及早自動爲之君回至行在最好先將此意陳奏但言張之洞所說看君有此膽量否予曰既是關係重要誓必冒死言之曰如是甚善是張氏且嘗囑吳言之其對此事之關心尤爲可見而溥儀之廢則非專用吳言也

凌霄

一士  
隨筆

南皮縣志

卷十四

故實志下

志餘

四十二

張文襄評墨花軒詩草云五七律警句林立古風工力甚深已臻能品絕句樂府時造闖奧非箏琶俗工之所識也

總輔  
書徵

張文襄題晴川閣聯大陸龍蛇循軌道青春鸚鵡起樓臺

武備學堂聯執干戈以衛社稷說禮樂而敦詩書

畿輔先哲祠聯軒轅臺伯夷廟吉甫墓碑觀聖賢風教所遺請稽經典碣石館日華宮首善書院數幽冀人才之盛直到皇朝巡撫山西監臨秋試題明遠樓聯秋色從西來雁門紫塞明月幾時有玉宇瓊樓

廣州督署廣益堂爲張文襄督粵時幕僚治事之所文襄題聯云職事勿荒不煩士行擣菹誠功名接武同韻揚州芍藥花又署內書齋聯居敬行簡可使南面爲政以德譬如北辰又聯

不犯秋毫岳武穆能寒夏膽范希文

挽馬忠武公聯戰壘屹河西維粵馮淮王湘孫三將軍同支危

局馮子材王學沂孫開華三公法越之役力抗法軍於滇桂臺灣大星沈潞水會香山睢陽繼

社諸耆老失此英姿文襄曾與鹿中堂傅霖張總憲吳中丞陸尙書及忠武公結者英會

廣雅書院內無邪堂柱張文襄聯尊其所聞行其所知合嶺南

東道嶺南西道人才互相師友博我以文約我以禮會漢儒經

學宋儒理學宗旨同造聖寶

又題旌陽十字街通衢之來鶴樓聯云鶴去幾時來使我登臨

增感慨我來今又去放鶴招隱倍蒼茫以上八條均見古今聯語彙選三集

黃鶴樓重建後張孝達學使題聯云江漢美中興願諸君努力

匡時莫但賞樓頭風月輪軒訪文獻記早歲放懷游覽曾飽看

南皮縣志卷十四 故實志下 志餘 四十二

春暮煙花粟香隨筆

士無遺草真能隱山有梅花轉不孤此昔人題林君復祠聯語

也君復茂陵他日求遺稿猶喜曾無封禪書句論者多其介節

近見南皮張颺民祖繼書林集後詩其一云一生清節似牛牢

詩酒娛情亦足豪畢竟好名心未盡書無封禪自名高詩雖翻

案卻自可喜其二云湖山落得伴梅妻高臥何嘗警鼓聾生不

逢辰管龍尾與君遭際判雲泥此與弢庵先生壽東坡生日詩

若較陸張文謝輩先生生世未睽孤句同一用意颺民以布衣

從族祖文襄公游粵游楚老於記室以詩自娛光緒末卒年八

十餘矣所著颺民詩草文襄為選入思舊集中拜林文忠小像

云為謝金人罷李綱英姿想見驚重洋傷心新豆闌猶在竟死

奸民一寸香自註新豆闌廣東要地公臨歿連呼之人訛爲星  
斗南孝達公泣此始悟其語恐世不知告予記之此亦可供史  
料者李越縵贈颺民句云文章貧後健天地布衣寬可以見君

生平

今傳是樓詩話

旁隄劉村劉光德生數歲猶不言其鄰村滄境之長隄有楊姓  
者父德茂於同治七年出貿易遇捻匪被刺死其子與鄰人爭  
田因父死文契失迷訟久不決一日楊子過其門光德忽曰兒  
來耶吾家文契在某處壁中取出作證鄰人自無如我何矣其  
子歸家索之果在焉蓋劉卽楊之後身方被刺時但覺狂奔到  
劉氏之門甫入室而身手俱小自知投生之故而不敢言也

探訪冊

尋公變晉以翰林改知縣宰南皮人皆稱爲尋青天同治十三

南皮縣志

卷十四

故實志下

志餘

四十四

年臘月穆宗升遐例不當貼春聯市廛有不知而誤貼者吏喜  
其可以藉端訛索遽報公公曰竟貼春聯耶顧吾不信可取其  
門來有頃吏負門至公謂吏曰是誠不妥可取水澆之吏不得  
已而澆又曰取剗剗之吏復不得已而剗公問曰還有春聯否  
曰無矣公曰旣無可將門送回再遇貼春聯者辦法當視此也  
吏負門往返怏怏失望觀者無不笑之

探訪冊

罪不懲則益肆

新語林卷二

張筱帆自粵藩調任四川入蜀日總督岑雲階出迎於郊笑執

張臂曰吾非迎藩司迎筱帆也張曰何以克當

新語林卷七

張氏世有厚德自又甫先生分俸贍族後文達文襄各有義田

之設而文廟歲修文達及蘭圃侍御每獨力任之

南皮縣城形如臥牛孔廟後有一塘名牛心灣入夏大雨時行池水滿溢而蛙不入其內不知何故

南皮甘氏清乾隆間由江南江寧縣肇遷來此其譜牒世序上追至甘寧譜內叙甘寧在吳鐵券受封事頗詳鐵券形似瓦高尺餘闊二尺面鐫券文背刻免罪俸祿之數券文嵌金故曰金書詞曰自昔帝王創業垂統皆賴英傑之臣削羣雄平暴亂然非首將智勇何能統率而成大功爾今電掃淮楚廓清江漢雖未一統中原已是三分鼎足宣謀效力爾功第一上柱國侯食邑幾千戶實封一百戶甘寧 朕聞銘三傑之勳言垂漢代載十哲之功事美魯經則知策功懋德古今一致頃者董卓弄權

南皮縣志

卷十四

故實志下

志餘

四十五

袁紹僭偽爾披攘兇渠盪定江東忠足以衛社稷惠足以及生靈拯斯民於塗炭保赤子於金湯王室績冠侯雖刻五熟之釜未足以績勒燕然之山實難顯功是用錫其金板申以誓詞唯我念功之時永將延祿子孫使卿長襲寵榮始終克保富貴卿恕九死子孫三死或犯常刑有司不得加責承我信誓往惟欽哉宜付史館頒行天下黃龍己酉元年四月吉旦立查其譜牒多被蠹食文義有不甚清楚者亦未便添改也

叙

錄



叙錄

重修志序

明萬曆癸卯知縣李正華創修  
清康熙十二年癸丑重修

國之有史所以表千秋之鑑者也邑之有志所以紀一邑之盛者也從來簡要詳核志林稱尙然不有所攷無以別真不有所採無以紀實處簡帙殘缺編籍渺茫之後欲輯合一邑之典確萃爲一書縹緗藝苑匪細舉也豈若齊諧博物等篇僅僅索幽奧侈浮豔云爾哉南皮號瀛洲一隅最爾地本瘠鹵俗近淳樸其間往古時英萃蔚茂者代不乏人雖彈丸亦化區也余於辛亥夏承乏斯邑實茲土圉占歷有年矣勢事旣殊撫循匪易且余不敏以弱齡學製重念長民司牧鳩育云勞錢簿遞郵諸種種何術以惠我皮黎熙熙攘攘羣安樂郊而厝薪運甃且媿

南皮縣志

卷十四

故實志下

敘錄

一

昔人違事修廢舉墜深厓表章之典缺如也雖然邑志弗修一邑無光表章之責又曷可以已耶猶憶旁午之暇諮謀於薦紳鄉士爲余言邑舊無志曩曾故明令李君諱正華者經創修卷帙詳要雅稱可觀續因燹燼秦餘版冊蕩然邑中間存先世手澤又皆蠹影蠹文徒嗟杞宋余嘗徧購遺帙手其一卷而披閱之不禁憮然慨息曰是洵斯邑之盛也夫是洵斯邑之盛也夫方與邑中紳士謀厥經始尋事編輯會今聖天子留念邊陲特允輔臣請令天下郡縣纂修志書煇炳序觀甚盛典也余乃復進紳士而諮詢之曰太上立德其次立功其次立言述明故典本學士事志流雖詹詹乎亦立言之一端也倘一邑勝紀竟坐廢闕俾余不敏無所藉手稟承以報上檄則是有司之愆也亦

鄉士大夫之辱也咸曰唯唯於是得邑明經侯生嘉意採葺凡在斷碑殘碣遺文墜什拾於窾突甃甕者裒聚共若干卷而一邑之建置沿革政教風俗山川文物盡爲臚目挈要標附簡端越月繙竣邑概畢陳時有進說於余者曰言不近略矣乎非也文不在博而在約詞不貴冗而貴當是編也攷之前言參之近說以訂其真訪之番論撫之巷語以稽其實毋亦竊比夫簡要詳核之微意而又奚慮乎言之不長誌之近略也讀是編者覽文晰義觀輿幅興置之情形依然禹貢星分之灑澗也覈賦絲繁簡之區畫依然周官納禾之稔秭也詳風土事宜之得失依然職方登載之紀略也觀人才文苑之茂美依然泮宮小大之芹藻也而且官師備焉猶是紀雲紀鳥之初制物產具焉猶是南皮縣志

卷十四

故實志下

敘錄

二

貴多貴少之精微志之有通於政顧不偉歟抑余更有言焉莫爲之前雖微弗著莫爲之後雖盛弗彰願茲邑人士儒術修明於國淳風隆蘊於鄉傳之麟閣登之輜史不有借志爲鑒而光大之者乎則斯志也固以鳴一邑之盛而又不僅鳴一邑之盛也已足爲序康熙歲在癸丑朔日文林郎知南皮縣事蜀晉城馬士瓊書湖父撰

重修姓氏

提調掌修

知

縣巴蜀馬士瓊

同掌修

訓

導章武蔡秉健

編輯

邑

舉

人吳維哲

邑

舉

人白學曾

邑

貢

士侯煒

邑

貢

士張大成

邑

生

員張昕

南皮縣志

卷十四

故實志下

敘錄

三

邑

生

員黃得煜

裁定

邑

進

士湯淳

邑

進

士黃得焜

邑

進

士柴廷望

參訂

邑

生

員崔渤

邑

生

員侯塾

邑

生

員湯濂

邑

生

員張作楫

邑

生

員湯伯麟



督刊

典

史貴池桂士成

南皮縣志

卷十四

故實志下

敘錄

四

跋

湯淳

夫國有史縣有志野史也蓋以識因革辨淑慝明俗尚垂鑒戒也志之所關尙矣吾邑舊乘歷有年所可嗣登記載者不乏以頻遭兵燹續修未遑興曠百年以待作者今皇清混一疆宇奄有萬方幅幘之長於茲爲盛歲壬子允輔臣請修一統志邑侯馬公謹奉憲行恪共廼事爰集師儒載詢父老按舊帙訪遺聞或得之士大夫蔡帳鄴籤或得之古祠宇殘碑斷碣合識大識小靡不蒐羅乃開局分類翦燭濡毫閱八月而書成潤色裁定皆出自侯手挂漏者補之椎魯者文之薰蕕不混收懼其濫也葑菲無遺採恐其刻也至於事關風教者必三復致意焉麗而則簡而詳公而當龔黃班馬合爲一人煌煌乎一代之鴻章也

南皮縣志

卷十四

故實志下

敘錄

五

展卷讀之見宦績所載則後之爲令者勸見科第所載則後之爲士者勸見名賢所載則後之爲德者勸見節孝所載則後之爲婦與子者勸返薄還醇頡廉懦立胥於是賴之或可佐一統隆平之盛治於萬一乎侯良吏也敷政甯人事事皆以精心運之志其一斑也因志書成而並及之

三修志序

康熙十九年庚申

從來不有作者無以端厥始不有因者無以觀厥成凡事皆然况一邑之志所關者大哉余承乏南皮三載於茲矣盛衰之機興除之大莫不於志攷之邑舊有志前令馬公重修於癸丑之歲時奉天子允閣臣請修直省通志以成一統志縣實爲之權輿也余每披覽見其綱舉目張大小畢該若罄空之宿一舉首而在目中越今七載時移事殊當事者有原始要終之慮令各郡縣續修焉蓋欲觀厥成云余捧檄從事兢兢焉惟恐無以勝是任爰諮謀於邑之紳士耆老博採廣搜兆自癸丑以迄庚申僅七稔耳其間賦役戶口之增盛災變之昭著與夫人物品類之繁植雅士之贈答邱隴志銘之傳述日異而月新焉使無以

南皮縣志

卷十四

故實志下

敘錄

六

表彰之不惟有負作者之心亦無以見因者之功欲以觀厥成也豈不難哉嗟嗟南邑爲瀛屬最爾之區地被圈占家鮮蓋藏屯衛雜處疆宇參差莅茲土者每多鞭長不及之歎常念夫瘡疾之未起俗尙之未淳士風之未登於大雅蕩閑踰檢之輩狡焉思逞未能賣劍買牛賣刀買犢也閉閣以思皆長吏之責也竊謂邑無論大小事無論難易惟竭蹶以盡乃職圖報斯已耳昔南陽好商賈而召信臣富以本業潁川好告訐而韓延壽告以禮讓誰謂民之於吏不若金鐵之在爐冶惟其所鑄哉茲緣續志之舉取邑乘而翫之其善者可法而不善可戒核真剔僞綜其綱而附焉彙其目而叙焉凡有切於利器用而阜民生辨陰陽而滋蕃庶咸不得以雜穢而遺之而况其大且重者乎其

所載而詳者固然則其所不載者亦可知已猶夫求金於沙歛而揚之求玉於石剖而別之於以傳信經久善厥始也觀厥成也此物此志也足以爲後來修明者之訂證亦足以爲興朝珥筆者所憑藉雖然余惟考往鏡來補殘釐缺敢曰述者謂明哉亦庶幾乎竊比之義云爾康熙十九年歲次庚申仲秋之吉賜進士出身文林郎知南皮縣事中州古蔡劉址沈亭撰

三修姓氏

提調掌修

原

任

知

縣蜀晉馬士瓊

續掌修

知

縣飼水劉址

同掌修

教

諭上谷陳玉策

訓

導章武蔡秉健

訓

導蠡州王興林

編輯

邑

鄉

官黃得焜

南皮縣志

卷十四

故實志下

敘錄

八

邑

鄉

官吳維哲

邑

舉

人白學曾

邑

舉

人張作楫

邑

貢

士侯煒

邑

貢

士張大成

邑

貢

士侯塾

邑

貢

士崔渤

邑

生

員張昕

邑

生

員湯濂

裁訂

邑

進

士湯淳

邑

進

士柴廷望

叅訂

邑

生

員趙鑛

邑

生

員尹士美

邑

生

員黃得煜

邑

生

員湯伯麟

繕寫

邑

生

員張汝詢

督刊

典

史貴池桂士成

續修存稿

南皮縣志

卷十四

故實志下

敘錄

九

咸

豐

辛

亥

舉

人潘震乙

三修凡例

一邑志在昔未覩曾聞先達李君騰鵬業經纂成弗獲刊布至萬曆癸卯始創修之迄今又七十餘載矣似宜續編矧奉今上俞旨安敢稽延因會集紳衿參考舊志旁搜博採增新刪繁補遺正訛粗具梗概雖未必克備斯邑之盛然亦不至文獻之湮

一舊志分爲十七卷今約爲八綱而諸目以類附焉則舊志悉載其中矣庶觀風問俗便於省覽耳首著圖經仰觀俯察人情物理備矣次事記祥異命令有徵矣建置志保邦蒞政所必謹也經國莫重於理財乃志賦役希承宣布德因志官師有登庸賓王之彥又志選舉仰止尙友也復志

南皮縣志

卷十四

故實志下

敘錄

十

人物宏辭經世故終以執文焉若無遺漏之虞

一邑原無名山九河多在境內或錯呼者有之非全無蹟而妄借虛名也至若酈道元以及宋儒皆謂已淪於海恐非確論夫九河旣道載之尙書至於大陸又北播爲九河同爲逆河入於海明指其地壁經未燔於秦火人咸知之夫九河之播北於大陸而大陸之北豈遂濱海况西南之邢臺卽大陸東北之靜海有逆河而此方支分派別渠岸顯然謂非九河之故道不可柰何舍有跡而譚無跡外可信之經而出不可信之言乎博古君子幸詳繹之

一五壘城乃漢河間獻王子五人封侯同居遂成名勝府志

以爲在清池廢縣

即舊滄州

南四十餘里而求定其處州志亦

同邑城東五十里地名壘城村北望清池道里相符稱名更類抑且古堤環繞林茂土肥又有名梳粧樓之所其爲五侯之居也明甚似非臆說因補入古蹟中

一志貴傳信舊志因急速完成未及詳核遂有應載而反遺

者

如封鉅臺鮑宣祠墓王  
早居高適故里之類

亦有誣指而失真者

如觀臺謬  
云京觀尹

吉甫墓妄指  
於河西之類

今皆考明改正適如其真匪敢闕前立異也

觀者幸勿泥舊志而起疑

一事蹟關斯邑者載之否則雖大弗錄也舊志多述目前瑣屑而在昔則略遂有掛漏茲博採簡冊細訪里巷凡事有係於國國有事於邑者及災祥變異悉記若雖相關而非專爲此方并無裨政教者不贅若仕宦貶封業已特書不

及誥勅之文

一設險攸躋事神保民建置之要也興作必書冀佚道爲使耳至如碑記悉屬名筆豈容刪裁然志惟記歲月述始末而已若一一全載將來不幾汗牛充棟乎故略錄

一賦役新有成書惟憑糧房開送數目簡明載之然賦重差繁自昔稱苦明季兵荒疊罹眞民窮財盡後倘蒙憐恤減一分卽受一分之賜嗟嗟剜肉醫瘡猶爲身計也或不加察而以所收之牛羊忍立而視乎豈弟君子諒必熟籌

一龔太守嘉惠是郡邑卽其臨蒞地也然非茂宰安敢僭列建縣三千餘年其仁賢造福良多而舊志僅註明代茲雖詳考尙爾寥寥緣文獻無徵耳目莫逮惟有掩卷太息而



已姑以所聞列其姓里政有可紀著爲列傳俾後世有述焉嗚呼上應列宿出宰百里豈偶然哉或扼於時勢之遭逢而未究厥施或湮於傳聞之孟浪而莫尋其緒顧姓字循蹟之存否其何敢叅以私意於其間乎

一人物舊無品目今列爲宦業儒林文苑鄉行而孝節寓技仍舊豈強爲分別哉良以行誼原自不同且考之他志亦多此例

一傳出前史者有定案矣至邇來諸君行實皆詢之輿論矢之鬼神寧嚴勿濫寧質勿浮是是非非縉紳士庶之口烏能掩也

一漢書藝文止具篇目茲倣之凡邑中著作咸載其離經畔

道者黜焉若夫贈言非因事記即以入存至侈頌功德者概不敢錄

三修目錄

卷之一圖經

境圖 古蹟 治圖 景勝 分野 物產 沿革 市集 疆域 丘墓 形勢 風俗 山川 俗節

卷之二事記

朝令 俱編 民情 祥瑞 災異 序載

卷之三建置

城池 儲積 公署 榭 饗序 津梁 壇宇 附 武備 寺廟

卷之四賦役

里甲 額辨 戶丁 田土 鹽課

卷之五官師

正官 學典 佐領 名宦 傳

南皮縣志

卷十四

故實志下 敘錄 十三

卷之六選舉

薦辟 例貢 科第 武途 明經 恩榮

卷之七人物

宦業 孝子 儒林 列女 文苑 流寓 鄉行 方技

卷之八藝文

經類 百家 史類 贈言 附

跋

柴廷望

邑之有志猶國之有史也史以記善惡而勸懲在天下志以詳風俗而鑒戒在一邑是作史固難而作志爲尤難何也天下者一邑之積也使邑乘攷核失真去取鮮當直與穢史同譏耳余故以爲作志尤難於作史南皮在瀛東百四十里自國家視南皮猶黑子之著面耳而天文之分野疆域之界限山川之形勢風土之習尙物產之滋植田賦之均輸戶口之蕃息祠署之儀度官守之名秩人材之登進與夫功德節義之著於既往皆其切且重者莫不志乎見之邑雖僻壤亦未嘗略而不載也但地脈斥鹵旬日不雨則苦亢陽微霖連朝則病溼潦以是收穫難料其在豐年不敵鄰邑之半一遇水旱災禱民多逃亡而厥賦

南皮縣志

卷十四

故實志下

敘錄

十四

維均且視鄰邑之膏腴相等焉若之何民不貧且困也况經圈占之後投充例開沃土無存民半歸旗是昔日之治在興利而今日之治在革弊爲長吏者能不仰屋浩歎乎邑侯劉公天中名家也庚戌之役與不佞同捷春官謁選後擢南皮令方介治體留心民瘼百廢俱舉其尊人秦中太守政事文章足以彪炳千秋客署中著作甚富侯克承家學其才能經濟卽潤色皇猷黼黻盛治天祿石渠虛席以待當無不可而今日之修殘舉墜燦然畢張具窺一斑故其綜覈也物情備其取舍也法戒彰其考據也根柢精其條例也纖洪判豈不可以信今而傳後耶前志修於康熙歲次之癸丑越數載於茲而事績日增容可以無續之者今聖天子振興文治購求遺書徵天下風俗之同是刻

雖紀載一邑而珥筆諸公亦將藉是而有所證云

南皮縣志

卷十四

故實志下 敘錄

十五

四修志序

光緒十四年戊子

南皮志創修於明萬歷時邑令李君正華國朝康熙十二年癸丑邑令馬君士瓊十九年庚申邑令劉君址相繼續修迄今百九十餘年矣余嘗於市肆購得明志殘帙數卷條分縷晰考核詳雅雖非全豹畧觀一斑康熙志體尙簡要挂漏實多蓋當時詔修一統志大吏檄取州縣志乘限期敦迫不暇詳覈故耳夫邑有志猶國有史家有乘也古今沿革興廢時異代殊其中土習民風兵農錢穀以及碩德名流忠義節烈水旱災荒之變川渠陵谷之遷無不纖悉臚列瞭如指掌凡以紀天時戒人事信今傳後寓勸懲而興觀感也况世遠年湮時逾近二百載不有文獻奚以考盛衰鏡得失哉余家籍南皮者垂六百年邑雖滄南皮縣志卷十四

故實志下

敘錄

十六

瀛一隅而燕友築臺勝遊遺蹟引經斷獄俊哲代興中年通籍後恒思菟羅軼事探討舊聞嗣以服官京外此事遂廢今邑侯江蘇殷君芝階樹森來蒞吾邑下車之始慨然以纂修邑志爲急務復延搢紳先生搜故牘集往事參互考訂都爲若干卷書成介菊垞之京弟走書京師索序於余余維修廢舉墜賢有司之德教也矧風俗之替興民生之利弊一切聲名文物政教號令胥具乎是俾後之任茲土者有所稽考而遵循焉寔吾鄉數百年之利賴豈第接軫前賢備一方之文獻已也

賜進士及第翰林院修撰軍機大臣協辦大學士刑部尙書張之萬謹叙

又序

丙戌冬森攝南皮篆務會上臺檄脩志邑查閱舊本自康熙十九年重修後二百年來記載缺如其間輿地城郭學校賦役雖不盡變更亦間有損益又况人文挺秀畸傑輩出或世德繼承或家聲崛起或至行光乎同里或名世萃於一門炳炳麟麟不可枚舉而中經兵燹士尙忠義婦殉節烈女全貞孝尤未可以更僕數於此而欲網羅軼事搜採舊聞良非易易適邑孝廉潘心潭震乙於同治初因通志敕修奉文採訪功甫及半猝構家難以歿其子邑廩生修祚出採訪遺稿相示予閱其稿雖未純備而取材甚富用是會商邑先達張菊垞太守是爲子青相國胞弟香濤制軍服兄由名孝廉筮仕湖北其閎才大畧有高世南皮縣志卷十四 故實志下 敘錄 十七

之志而淡於榮利退老林泉慨然首爲提倡誘掖獎勵不遺餘力籌費任人發凡起例悉太守主裁於是張君敬甫憤紀雲官詳侯君漢卿本杰劉君惠心有孚俊三壽齡等相率集資宮君懋三毓椿劉君仁溥壽增齊君贊臣元慶侯君錫九本榮余君陶卿鈞等廣爲採訪其考獻徵文刪繁就簡則寶坻傅聲遠廣文也其發明義例釐定篇章則泰安汪謝階大令也其相與有成終始如一則少尉朱崧生實身任其勞焉維時外翰康靜山依仁奉差公出不與其事而得其緒論亦足爲法程戊子夏邑志竣事同人囑序森竊維空疏謏陋不學無術雖創斯舉而有愧斯文敢謬附諸君子之列耶而由此前言往行記載無忘潛德幽光流傳勿替則固諸君子之盛德而森亦與有幸焉用述

顛末以誌欽佩云爾光緒戊子秋日同知銜署知南皮縣事江蘇殷樹森謹識

南皮縣志

卷十四

故實志下

敘錄

十八

四修目錄 光緒十四年

卷首

總志 舊序 舊跋 原修職名 續修職名 凡例  
圖繪 天章

卷之一

輿地志 分野 疆域 沿革 年表 形勢 景勝  
山川 河渠 古蹟 邱墓

卷之二

建置志 城池 公署 壇廟 武備 儲積 坊表  
津梁 市集 寺院 郵鋪 驛站 汎防

卷之三

南皮縣志 **卷十四** 故實志下 敘錄 十九  
典禮志 祀典 慶典

卷之四

學校志 廟制 祀位 祭典 學制 學署 學田  
書院 社學 義學

卷之五

風土志 風俗 歲時 占候 祥異 物產

卷之六

賦役志 里甲 鄉都 戶口 田賦 額辦 鹽課

卷之七

職官志 封國 戚畹 附 名宦 知縣 教諭 訓導  
縣丞 首領 附 主簿 典史 巡檢 以上俱附 武職陰陽學



醫科僧會

卷之八

選舉志上 薦辟 進士 舉人 副貢 拔貢 優貢

恩貢 歲貢

卷之九

選舉志下 例貢 各貢 仕進 武科武進士 武舉

人行伍 捐納投效附 封贈 武秩封贈 廕襲恩

榮

卷之十

人物志上 宦業 忠義 孝友 鄉行

卷之十一

南皮縣志

卷十四

故實志下 敘錄 二十

人物志下 儒林 文苑 藝術 隱逸 僑寓

卷之十二

列女志 賢淑 壽婦附 節孝 貞烈

卷之十三

藝文志上 詔制表 上書 書 議 辨啟 記

碑記 序 傳 跋

卷之十四

藝文志中 墓表 碑文墓誌附 墓誌銘 墓銘 銘

贊附

卷之十五

藝文志下 詩 詞附 著作

卷末

雜記

南皮縣志

卷十四

故實志下

敘錄

二十一

知府銜候選同知張愷

吏部主事辛酉科拔貢丙子科舉人侯本杰

戶部主事張官詳

光祿寺署正劉有孚

道銜監生劉壽齡

侯選訓導增貢生侯本格

協修

大城縣訓導廩貢宮毓椿

採訪

威縣教諭廩貢齊元慶

鴻臚寺序班庠生劉壽增

南皮縣志卷十四

故實志下 敘錄 二十三

廩生侯本榮

廩生潘修祚

庠生余鈞

總校

庠生許炳麟

校閱

山西候補典史浙江韓潮

生員江蘇屈家璜

候選鹽大使江蘇言家震

附貢生張純慶

文童許汝驤

文

童崔思恭

文

童曹玉琦

文

童崔樹榛

繪圖

供

事劉徽典

南皮縣志

卷十四

故實志下

敘錄

二十四

四修凡例

一舊志尅期成書筆尙簡畧迄今又二百年邑人潘孝廉震乙採訪訂正物就厓畧未卒業而歿今藉孝廉舊稿爲藍本而以新採各條隨類編入所用體例悉遵府志稍加變通

一邑於同治七年捻匪破城圖籍燬於寇燹乾隆以後職官姓名無從稽核姑從闕疑以待攷補

一舊志所無而見於府志者今悉爲補入然亦有介在疑似之間者不敢冒昧遽登容俟博雅詳爲攷證隨後再補

一舊志每類總目之下各有小引今因體例不甚相符故概從削以省筆墨

一舊志間有無關要領原存稿本亦有繁冗蕪雜之處均畧加刪易取其語簡而事詳未敢沒人之善也其有乖正軌不堪示後者悉爲節去以寓隱揚之意焉閱者鑒之

一所志各以類從總類之中又分數類其有爲數無幾不能獨成一類者則附於近類之後

一佳章誌墓累數千言節烈徵題哀成卷帙若盡登之閱者未免蹙眉作者易以形短茲特嚴加刪節以示片羽吉金之貴

一藝文固多琳瑯然亦有未盡愜意者非失之濫收緣邑志爲記事之書與著作尙有微別故不得不寬爲採取

一山川乃形勢名勝所關邑爲九河故道禹蹟疏鑿昭然共

見志固宜詳若山則自愚公移後千餘里內迄無壟斷然培塿亦山也今從舊志悉爲臚列

一忠孝節義風化所關往往村氓窮嫠愚忠愚孝不盡合乎中庸之道然皆血性至誠只行其心之所安不求夫理之至當賢者之過終勝於愚之不及也今則有聞必錄以爲頑廉懦立之助

一壇廟載在祀典歲時報享代有隆禮其他鄉曲梵宇亦野老豚蹄之祝農功報賽之所也現在者固所不遺偶有廢圯亦存其址

一名人勝地世所爭豔往往不必確有其地其人父老傳聞學士從而傅會者亦有載籍所不見傳聞足補史傳之闕

南皮縣志

卷十四

故實志下

敘錄

二十六

者蓋天下大矣人物多矣經史豈能盡載而無遺與其貴

耳而賤目何若博取而兼收故能失之誇勿失之苛

如封鉅雋

渤海府志刪去今仍列入

一藝文作者爵里字諡偶有所知即爲註出若已見他處概不復註

一仕進無論捐保必係實在官階外官到省京官到部方能列入若虛銜翎枝及雖有省分並未到省當差者一概不入

一封贈原爲本人無彙可入係因子孫受封者若本人有彙

可入則於本彙首見之名下註明封銜

如進士舉人並見則於進士註明

若已載人物或傳誌收入藝文則止註明見某處封贈彙

中及本彙名下不復重贅

南皮縣志

卷十四

故實志下 敘錄

二十七

跋

辛未春縣長王公慎九奉令修邑志函招青選與尹君竹岑主其事再辭不獲卽於是年五月開館任事邀集邑之士紳會議研商公推編次十二人校對六人採訪七十四人而總纂一席咸屬意於滄縣劉孝廉貢三夫子遂聘定焉志例分五綱六十目繕册列表付各採訪員分途進行月兩匝竣事按類編纂迄壬申秋九月告成洵盛舉也是役也各同人踴躍將事爭先恐後已足徵一邑之煥發而館內一切操勞竹岑之力尤多青選以樗櫟庸材俯仰其間得免隕越自問已幸夫復何言然尙有不能已者日之來也無窮已事之來也無終止執今以論古則失之苛泥古以衡今則失之迂滄海桑田紛紜錯綜正賴明達南皮縣志

卷十四

故實志下

敘錄

二十八

君子相機因應非可一概論也吾知數十年後人文蔚起繼續者大有人在更無事嘵嘵矣

中華民國二十一年九月單青選謹跋

